



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-164-5/26**
Datum: **04.08.2026. godine**

„Agencija za vodno područje rijeke Save“ Sarajevo, rješavajući po zahtjevu pravnog lica „Halilović“ d.o.o. Sarajevo, Ilijaš za ispuštanje tehnoloških otpadnih voda i specifičnih uticaja koji mogu nastati pri aktivnostima na eksploataciji i preradi mineralne sirovine krečnjaka na kamenolomu „Sakibov biser“, lokalitet Šabanci, općina Ilijaš, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „Halilović“ d.o.o. Sarajevo, Ilijaš daje se vodna dozvola za ispuštanje tehnoloških otpadnih voda i specifičnih uticaja koji mogu nastati pri aktivnostima na eksploataciji i preradi mineralne sirovine krečnjaka na kamenolomu „Sakibov biser“, lokalitet Šabanci, općina Ilijaš.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod sljedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje tehnoloških otpadnih voda (separator ulja, masti i naftnih derivata, slivnici, rešetke, kanali, betonski taložnici, revizionna okna, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik predmetnih objekata, za vrijeme trajanja ove dozvole, obezbjeđuje da se tehnološke otpadne vode i oborinske onečišćene vode sa prostora površinskog kopa-kamenoloma „Sakibov biser“, lokalitet Šabanci, općina Ilijaš, nesmetano sakupljaju i odvođe do objekata predviđenih za tretman tehnoloških otpadnih voda i oborinskih onečišćenih voda, a zatim ovako tretirane vode preko monitoring okana ispuštaju u kanal pristupnog puta.
 - 3.4. Da se redovno vrši monitoring prečišćene otpadne vode iz okna za monitoring shodno članovima 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa odredbama iste.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
 - 3.6. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20 i 1/24), a ukoliko Vlada Sarajevskog kantona propiše dodatne (strožije) uslove za ispuštanje otpadnih voda u površinske vode, od uslova definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
 - 3.7. Da korisnik poslovnog objekta, bušenje i miniranje stijenske mase radi kontrolisano po projektu te da minerske radove može vršiti isključivo ovlašteno minersko društvo.
 - 3.8. Da se eksploatacija mineralne sirovine na površinskom kopu „Sakibov biser“, lokalitet Šabanci, općina Ilijaš, vrši isključivo u skladu sa odobrenim (verifikovanim) rudarskim projektom tj. u

skladu sa Zakonom o rudarstvu („Službene novine Federacije BiH“ broj 26/10) i drugim pratećim provedbenim propisima i podzakonskim aktima koji tretiraju ovu oblast.

3.9. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.

3.10. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

3.11. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.

3.12. Da se istrošena ulja, nauljene krpe i sav opasan otpad koji će nastati na prostoru površinskog kopa-kamenoloma „Sakibov biser“, prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog privrednog kompleksa obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.

6. Ukoliko radom predmetnog privrednog kompleksa za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete bilo kakvog karaktera, korisnik objekta je dužan uzroke štete otkloniti, a nastale štete nadoknaditi.

7. U periodu važenja ove dozvole, pravno lice je dužno provoditi sve mjere i aktivnosti propisane istom.

8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.

10. Ova vodna dozvola, shodno članu 117. stav (1) Zakona o vodama, daje se sa rokom važenja od 5 (pet) godina od dana pravosnažnosti ovog rješenja.

11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Halilović“ d.o.o. Sarajevo, Ilijaš, podnijelo je zahtjev dana 20.04.2026. godine koji je zaprimljen na protokolu Agencije dana 21.04.2026. godine, za izdavanje Rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa-kamenoloma „Sakibov biser“, lokalitet Šabanci, općina Ilijaš.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

A-Opšta dokumentacija:

- Aktuelni izvod iz sudskog registra, 065-0-RegZ-26-003688 od 24.03.2026. godine izdat od strane Općinskog suda u Sarajevu – ovjerena kopija,
- Uvjerenje o poreznoj registraciji od 09.03.2015. godine izdato od strane Kantonalnog poreznog ureda Sarajevo - ovjerena kopija,
- Uvjerenje o registraciji/upisu u Jedinstveni registar obveznika indirektnih poreza, broj:04/1-17-1-UPJR/1-2106-2/15 od 26.03.2015. godine izdato od strane Uprave za indirektno-neizravno oporezivanje Banja Luka - kopija,
- Ugovor o koncesiji za istraživanje i eksploataciju mineralne sirovine krečnjaka na lokalitetu „Šabanci“, Općina Ilijaš potpisan sa Vladom Kantona Sarajevo, broj:0701-9118 od 07.09.2018. godine – kopija,

- Rješenje, broj:07-05-18-13472-10/19 od 24.03.2020. godine izdato od strane Ministarstva privrede Kantona Sarajevo – kopija,
- Detaljni dinamički plan sa aktivnostima i finansijskom procjenom za izgradnju i puštanje u rad sistema prikupljanja, tretmana i ispuštanja otpadnih voda, broj:28-10/2025 od 27.10.2025. godine,
- Punomoć podnosioca zahtjeva, broj:11-5/2026 od 06.05.2026. godine,
- Rješenje o vodnoj dozvoli, broj:UP-1/21-3-40-431-4/25 od 05.11.2025. godine izdato od strane Agencije za vodno područje rijeke Save, Sarajevo- kopija,
- Izjava o svojstvima št.1LO/1,5, Separator ulja RoOil, šifra:7300775940 sa certifikatom izdat od strane Roto Eco d.o.o., Slovenija – kopija,
- Dokaz o uplaćenju federalnoj upravnoj pristojbi na zahtjev

B-Tehnička dokumentacija:

- Glavni projekat vanjske hidroinstalacije-kamenolom „Sakibov biser“-k.č. broj 1257 i dio k.č. broj 1255 K.O. Bijambare (po novom premjeru), općina Ilijaš urađen od strane Ibis d.o.o. Zavidovići, broj 15-IB-G/26, mart 2026. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru površinskog kopa-kamenoloma „Sakibov biser“, lokalitet Šabanci, općina Ilijaš i tom prilikom sačinjen Zapisnik o izvršenom uviđaju broj:UP-1/21-3-40-164-4/26 od 08.07.2026. godine i dana 03.08.2026. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

➤ Pravnim licu „Halilović“ d.o.o. Sarajevo, Ilijaš, izdato je rješenje o vodnoj dozvoli, broj: UP-1/21-3-40-431-4/25 od 05.11.2025. godine. Navedeno Rješenje je izdato u skladu sa dostavljenim detaljnim dinamičkim planom ulaganja broj:27-10/2025. od 27.10.2025. godine i pod uslovima.

➤ U skladu sa uslovima iz predmetnog rješenja prilikom vršenja uviđaja na terenu po ovom zahtjevu konstatovano je da pravno lice na terenu nije realizovalo sve projektovane aktivnosti., a što je konstatovano i u Zapisniku. Dana 03.08.2026. godine izvršen je ponovni uviđaj na terenu kod pravnog lica „Halilović“ d.o.o. Ilijaš, na prostoru na kojem se planira eksploatacija i prerada mineralne sirovine krečnjaka na kamenolomu „Sakibov biser“, lokalitet Šabanci, općina Ilijaš.

➤ Pravno lice je u međuvremenu izvršilo izgradnju-ugradnju separatora, asfaltiranju prostora na kojem će se vršiti pretakanje nafte i parkiranje mehanizacije, a u prethodnom periodu su izgradili taložnike, reviziona okna i obodne kanale, a sve u cilju prikupljanja, transpotra, tretmana i ispuštanja zauljenih i zamuljenih voda sa prostora površinskog kopa-kamenoloma „Sakibov biser“ na lokalitetu Šabanci, općina Ilijaš.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Halilović“ d.o.o. Sarajevo, Ilijaš, ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa – kamenoloma „Sakibov biser“, lokalitet Šabanci, općina Ilijaš, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačkom B. obrazloženja rješenja

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- „Halilović“ d.o.o.
Obala br.27, 71330 Ilijaš, (sa prilogom),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava